

وأسلم أَسِيد | الشیخ محمد خیری قصص الصحابة سلسلة عظمة

محمد خیری

السلام عليكم ورحمة الله وبركاته الحمد لله رب العالمين وله الحمد الحسن والثناء الجميل اشهد ان لا اله الا الله وحده لا شريك له
واشهد ان محمدا عبده ورسوله. وبعد - 00:00:00

كلمنا عن اه المواجهة بين اسید ومصعب. ودي ه تكون اول لقاء بين مصعب وبين اسید رضي الله عنهم بوجود آآ اسعد بن زراة
بالبستان لبني عبدالاشهل. احنا قلنا ان مصعب قاعد مع اسعد مزراة ويبيتكلم مع الناس - 00:00:14

جاموه سعد ابن معاذ وده ابن خالة اسعد ابن زراة اتضائق جدا لما جت له معلومة ان فتنى مكة اه مع اسعد بن زراة قاعدين بيدعوا
الناس الى الله سبحانه وتعالى. انتم عارفين طبعا ان فيه ناس كتير جدا بتتضائق من دعوة الناس الى - 00:00:39

الله سبحانه وتعالى لان هناك ناس تشمئز من آآ شريعة السماء اه ليه يشمئزوا من شريعة السماء؟ لان طبيعة السماء اه بتاخذ منك
صلاحيات وما بتخلکش انك تمشي بمزاجك يعني. وكما لان طبيعة الانسان خلقه الله سبحانه وتعالى ان في نقص وان في ميل للهوى
- 00:00:55

ميل للشهوات وميل للسيطرة على الناس الكبر والعلو فيجي الشرع سبحان الله لو لو الشريعة انت بما يهوى الناس مم لم يكن الانبياء
يجدون آآ عندها ولم يجدوا يعني صعوبة ومعاناة - 00:01:20

لكن الشريعة الاصل ان هي انت بما لا ايه آآ تهواه جميع النفوس. بعد كده الانسان بالتهذيب وبالترتيب والتدريبات يعني بيبدأ يرتب
اموره كده مع الوحي. الموضوع بيختلف تماماً فاسأل الله سبحانه وتعالى ان يجعلنا من ينهي النفس عن الهوى حتى تكون الجنة هي
المأوى - 00:01:40

فا اسید رضي الله عنه سعد سله قال له رح لهم وشف انطلق الى هذا الفتى الذي جاء الى بيوتنا ليغري ضعفانا ويسفة الهتنا ويزجره.
وراح له مع الحرية بتاعتة - 00:02:04

فصعب رضي الله عنهم هيبدأ يتكلم معه. لكن في موقف حصل وهو ان اسعد ابن زراة قال لمصعب ايه؟ خل بالك يا مصعب آآ اللي
جايین لك ده مش اي حد - 00:02:20

بما ان احنا اسعد خبير في قراءة الشخصيات قال له خلي بالك ده مش انسان سهل. ده سيد قومه ده ارجحهم عقلًا ذا اكملاهم كماله.
راجل عاقل جدا يعني لو اسلم ناس كتير جدا هتسلم - 00:02:33

فاصدقوا الله فيه. وده مهم جدا الانسان ينتبه للرموز المؤثرين لا الشخصيات مؤسسة قائدة يعني القيادة هي التأثير القيادة هي
التأثير. احياناً تلاقى في الجامعة كده في ثلاثة اربعة مؤسسين في السيكتشن مؤثرين في الدفعة - 00:02:51

مؤسسين في الايه؟ في الشريحة ديت فلك علاقة بين واحد منهم ركز عليه لان ده لو تبني فكرة هيكون مؤسر جداً على غيره ولو
بسنته والتجربة بتقول لنا يعني وتأكد هذه القاعدة. ان سبحان الله دائمًا المؤسسين - 00:03:08

والشخصيات المؤسسة استقامتها بتفرق كتير جداً. ولذلك كل واحد منكم مؤسر في مكان مؤسر في في البيئة اللي هو ساكن فيها في
المجتمع في العيلة في في اه مع قرائيه - 00:03:29

يعتود دائمًا ان هو يعمل الحاجة الكويسة وقف اسید رضي الله عنهم قدام الجميع كله والتفت لمصعب بدأ يتكلم وسيد رضي الله عنه
بدأ يتكلم مع مصعب فقال له ما جاء بك ما الى ديارنا - 00:03:42

واغراكما بضعفانا. الله اكبر ايه اللي جابك هنا مكاننا؟ وايه اللي بيغريك بايه؟ بهؤلاء اعزلا هزا الحي ان كانت لكم بنيسيكما حاجة

عارف كده لما واحد يقول لك ايه؟ يعني لو لك شوق في حاجة اتوكل على الله - 00:04:05

لو عاوز تعيش وريني كمان خطوتك نعرف الجماعة اللي هم بيهدوا بالطريقة ديت رغم ان سبحان الله ان اسيد اصلا شخصية آآ هيجي بعد كده شخصية لطيفة جدا وسلسة يعني مش الشخصيات العنيفة اللي فيه شد وجذب عنده لا لا لكن هو اتشحن -

00:04:25

من سعد ابن معاذ زائد كمان ان آآ الاعتقاد بقى والانتماء والهوية فهو بيقول له ايه انت ايه اللي جابكم بلدنا بقى لو سمحتم؟ ممكن عاوزين نعرف بقى انت ايه اللي جاييكم هنا عندنا؟ فسبحان الله! احيانا اه يعني رغم ان الحوار - 00:04:50

فادي هادي كده زاهرا يعني. لكن هو ما استناش رد من مصعب. خدتوا بالكم؟ هو بيقول له ايه اللي جابكم هنا؟ ايه اللي بيخليلكم آآ تغروا الضعفاء بتوعنا المفترض يبقى في جواب والله احنا ابدا يعني اولا احنا مش قاعدين احنا قاعدين في ملك الحكومة انت عارفين الكلام ده قاعدين في ارض ربنا - 00:05:08

ما استناهوش يتكلم اصلا فعلى طول قال له انت ايه اللي جابك ايه اللي مخليك تتكلم كده مع الشباب والكلام ده؟ انت فاكر يعني ان الناس ديت عشان مش فاهمة وغلابة وشباب صغير وبتاع بيقى انت كده لا - 00:05:26

اعتلزا هزا الحي امشوا من هنا. ان كانت لكمابن نفسكم حاجة سبحان الله! اهل الباطل بيهدوا بدون مناقشة على طول ولذلك تلاقى سبحان الله دايما يستعملوا السلاح ده في حتى في المنازرات الاعلامية تلاقي مسلا واحد مسلم بيننتظر واحد تاني او - 00:05:39

على يريد الشريعة واحد يريد تنجية الشريعة عن الحياة وعن كل حاجة يعني واحد يريد نشر السنة وواحد يريد ابادة السنة فتلاقي سبحان الله مش بيدوا له فرصة اه حتى واشكالات اشكالات وبتاع والكلام ده كله ومرة واحدة كده تلاقي ايه؟ لا ده هو بيدوا ان ما فيش حل الا كذا وتلاقيه يروح داخلين على طول في ايه - 00:06:00

فهذه اللغة سبحان الله طيب مصعب هيقابل الموضوع ده ازاى كيف سيفاعل معه مصعب مصعب شخصية يعني مم اسرية جدا يعني. وما ينفعش يتقال له كده. ده ابن علية القوم يعني مصعب في في مكانه وفي البيئة اللي نشا فيها - 00:06:25

مصعب تقيل قوي ومصعب عايش على العز يعني ما تجربش يتكسر قبل كده. ما فيش حد جرب ان يكسر مصحف. ولا ان يقول لمصعب كلمة تقيلة ولا كلمة مؤذية فمصعب لما يسمع الكلام ده لو انت مكان مصعب هتعمل ايه - 00:06:44

ممكنتتضائق ممكن تقول ياه برضو يلا خير. والله يا اخي سبحان الله برضه الاسلام الله المستعان برضه. يعني برضه بيخلينا ندي عينيه نضغط جامد جدا. مصعب ما يدخلش اسلام في الحاجات ديت لان بعض الناس دايما حاسس ان مشاكله جاية له من الدين -

00:07:02

وان ازماته كلها جت من الدين. بيبص للدين دائمآ هو يعني حاجة مزعجة له في حياته. حاجة وترته حاجة تعباه لا مصعب مش كده خالص مصعب رضي الله عنه لديه مهارة عالية جدا وهي مهارة الاززان النفسي - 00:07:21

زي النبي صلى الله عليه وسلم قاعد معه آآ ابو الوليد آآ ابي الوليد قاعد مع النبي صلى الله عليه وسلم وقعد يتكلم بقى مع النبي صلى الله عليه وسلم. ويقول له يا محمد - 00:07:43

انت عملت وجاي تتكلم على الالهة في الاخر خلاص قال له ايه؟ قال له يا محمد ان اردت زوجة زوجناك. لو الشغل ده كله كده يعني انت عاوز تتجوز ما نجوزك يا عم. بس الموضوع يعني مش كده بقى مش كل شوية اللات ومناوي والكلام ده وتقول للاخوة مش عارف ايه بر والدين وصلة ارحام والكلام اللي احنا ايه احنا مش واخدin على الكلام ده - 00:07:54

فازا اردت زوجة زوجناك اذا اردت مالا جمعنا لك فاعطيناك ما تزيد اذا اردت ملكا ملتناك. عاوز يا عمي تبقى الرئيس ما فيش مشكلة. من النهاردة انت ماسك دار الندوة - 00:08:14

وطبعا ما حدش يعمل كده الا منهزم ما حدش يقول العرض ده الا واحد منهزم. ليه هو انت عاوز يعني اي حد في مكة يعني يقول لك انا عاوز امسك البلد تروح مدي له دار الندوة وتقول له تعال يا عم انت عاوز ملك خد - 00:08:33

انت عاوز بنت نجوزك اجمل البنات. عاوز مال نجيب لك اي حد في مكة تقول له ايه؟ يقول لك كلمتين كده هتقول كده؟ لا انت

واضح ان ايه ان في حاجة من الايه مضائقاك في حاجة هزمتك - 00:08:46

وان كنت تستكى من مرض بحسن لك عن امهر الايه من يعالجك الكلام ده مستفز ولا مش مستفز الكلام ده يستفزه ولا مش تستفزه يعني استشعرى كده انت عاملة مداخلة صوتية و بتتكلمي على ليه لا والنقاب وممش عارف ايه وده زي الامة وممش عارف ايه والكلام ده كله واحدنا لازم - 00:09:02

نكون متسترين وممش عارف ايه استشعرى بقى واحد راح قال لك طيب. خلصت؟ اه طب احنا هنقول لك حاجة. حضرتك لو بتستكى من ازمة نفسية احنا عندنا هنا في المستشفى الامراض النفسية رئيس قسم مش عارف الطب النفسي بعين شمس. معنا الدكتور كزا كزا كزا - 00:09:22

ممکن اديكي تليفونه وان شاء الله واحدنا هنخشك وهيعالجك مجانا ولو حضرتك آآ بتقولي الكلام ده عشان انت عاملة كبيرة مع حد من آآ في الحي وعاوزة تتستري وما حدش يشوفك ما فيش مشكلة. احنا ممکن نبدلوك الولد ده وما فيش حد بيجي ناحيتك - 00:09:38

ولو بتقول الكلام ده عشان شو اعلامي وبعدين الناس تجمع لك لايكات وتاخدي فلوس واعلانات على الفيس والكلام ده ما فيش مشكلة ممکن نديك فلوس الكلام ده يعمل فيك ايه - 00:09:56

بعد اما بقى قلت انت الكلمتين دول وعملت المداخلة ديت لو في دكتور في الجامعة قال لك بعد ما قلت الكلام ده قدام الناس كلها قال لك الكلام ده. هتنجنبنا. صح - 00:10:07

النبي صلى الله عليه وسلم آآ سبحان من هدئها وشرح صدره وسكن فؤاده. فقال له فرغت ابا الوليد؟ خلصت ولا سه في حاجة يعني لسه هتتكلم لسه في كلام تاني ولا كده خلاص كده ده اخرك - 00:10:17

سبحان الله وبكل سلامه يقول له ايه؟ اسمع اذا طب اسمعني بقى سبحان الله ويبدأ يسمع النبي صلى الله عليه وسلم ويبدأ يتجنن بقى. خلاص يبدأ يلاقي ان القرآن يعني جايبيه لمس كتاف زي ما بيقولوا - 00:10:36

سبحان الله احنا النهاردة عندنا يعني المبني يعني احد الاشكالات المشهورة جدا عندنا عموما يعني كبشر هي صعب في طريقة الحوار ما عندناش السلسلة في الحوار معزز المشاكل في البيوت سببها ايه؟ الحوار. بتلاقي الاثنين بيتكلموا في نفس الوقت. حاول كده تسمع اثنين بيزعقوا لبعض - 00:10:55

هتلaci ان الكلام في نفس الوقت يعني انت لو بتسجل آآ تتعب ده بيتكلم في نفس الوقت ده بيتكلم وده بيتكلم ده بيسموه حوار الطرشان بعد كده بقى. ده في وادي وده في وادي. كل واحد بقى بيلقط كلمة من هنا وبيكون عليها وده بيعمل ويا سلام بقى لو هم في اولاد في - 00:11:20

الوسط بقى والولاد بتتكلم يا جمال فكرة ان الناس في الحوار في ناس كتير بتبقى قاطعة ودانها ويبقى سايب ودانه مسلا في المطبخ ولا حاجة كده آآ ويبدأو يعيشوا بقى مع بعض - 00:11:36

فنسأل الله السلامه فيبدأ الحوار يتقلب الى خوار عارفين ايه؟ له خوار فالحوار يتقلب الى خوار اي خوار لا يأتي بالحوار فهو خوار الحوار ده مفترض انا بتحاور معك عشان يبقى ايه بينا وبين بعض ايه هدوء جيزة يعني نتجاور في الافكار بتاع وايه اللي هيترقب الى خوار وصوت وضجيج ومشاكل - 00:11:51

فنسأل الله سبحانه وتعالى ان يعلمنا ادب الحوار لأن الحوار ده مهارة. رغم ان هو ادب بس هو مهارة لازم تتعلمها. ازاي تتحاور مع اللي قدامك؟ ازاي تتكلم معه وهو فن - 00:12:14

بيستعمل كتير جدا اه في الدعوة الى الله سبحانه وتعالى يبقى ولن تستطيع ان تدعوا الى الله سبحانه وتعالى مهارة الحوار والاقناع عندك منخفضة على الاقل ان لم تجد يعني لم تجد وتمك من مهارة الاقناع فلا تضيع مهارة الحوار. يعني على الاقل مهارة الحوار تكون ممكنته منك - 00:12:25

لكن ما بتعرفش تتكلم مع زوجتك ما بتعرفش تتكلم مع اخوك ما تعرفش تتخيل اتكلم مع زميلك في العمل دائمًا في توتر

زوجتك عاوزة تستشيرك في حاجة ولا بنتستفتو حاجة. دايماً البيت كده فيه مشاكل ايه ما فيش حوار بيني وبينك. لا هو زي ما انا بقول كده. طب يا عم طيب ندخل حد - [00:12:47](#)

ما فيش حد بيخش. طب نستفتي لا مال المشايخ ومال الكلام ده؟ مال المشايخ ومال الكلام ده؟ امال مين اللي جابني من المسجد
وراح سأل الشيخ وقال له انا عاوز اخ特 من الفوق اللي حاضرینا دول - [00:13:04](#)

وقلت ياشيخ وانا اخ كزا والتزمت في سنة كزا وبحكم جداً وبحب اسمع دروسكم. ورحت دخلت يوم ما الرؤية الشرعية وديتك
تقول لهم ده الشيخ فلان ده هو اللي كل - [00:13:14](#)

حاجة في الحياة وانا ما بعرفش يعني اتنفس حتى اما بنزل بيتي بستأنزنه الاول. بقول له النزول ده كده سنة ولا ايه؟ ولا بدعة؟
الطريقة ديت كزا ولا كزا يعني في الهزار ده ان كان زمان يقول لك انا بيتشرف وينتمي ويقول لك انا بستفتي لاهل العلم في كل
حاجة وهي بنت الحال وفي كتب الكتاب قبل كتب الكتاب - [00:13:24](#)

بيقعد معها يقول لها بصي انت ملتزمة وانا ملتزم. لو اختلفنا هنعمل ايه قال الله قال الرسول نرد الكلام لاهل العلم دلوقتي تيجي اي
خلاف ما اريكم الا ما ارى - [00:13:44](#)

انا العلم والعلم انا. انا الدعوة والدعوة انا خلاص انا الذي فوضني الله لاحكم فيك نسأل الله العفو والعافية وده اسمه ملتزم واسمه اخ
واسمه حاجة كبيرة يعني. طب انت دهرت باي لا وكمان ممكن يحرم عليها ان هي تتصل ولا تسأل حد. كمان - [00:13:58](#)

وده بقى ايه؟ هي لله هي لله انت بتري مين يا ابن الحال وكده؟ غالباً البيوت دي بتتفجر على فكرة وبيحصل فيها تفجّرات بعد كده
وبتعيش فترة آآ في التوتر ده الى بعد كده بتتسو في ميناء - [00:14:18](#)

الطلاق الصامت بعد شوية بيحصل بقى توترات وانفجارات غالباً دي مشاكل بتترافق وهتبقي قدام صخور وهتبقي جبل مش هيفهم
الكلام ده الا حد كبير يعني حد كبير يعني اقصد يعني له تجربة يعني في الايه؟ في الطريق ده. فصعب رضي الله عنه كان يتمكن من
هذه المهارة مهارة الحوار ومهارة الاتزان - [00:14:31](#)

نفسی التفت مصعب رضي الله عنه الى اسيد بوجهه المشرق بنور الایمان. احياناً في ناس كده سبحان الله اه بوشه كده اه يسبت اللي
قدامه طبعاً مصعب اه مش باين عليه التوتر. خلي بالك يا اسعد ده بيقول لك ايه لو انت عاوز تعيش امشي مش احنا عاوزين نعيش
يا اسعد ولا احنا عاوزين نموت ولا عاوزين نعمل ايه - [00:14:59](#)

ما يقفش مع الحاجات ديت فلا تخافوه وخافوني ان كنتم مؤمنين. دائمًا التوكل على الله حقيقة يعني الخوف الفطري ده
عادى تكون موجود بس يذهبه الله بالتوكل. فالافتت مصعب الى اسيد بوجهه المشرق بنور الایمان وخطابه - [00:15:22](#)

بهجهته الصادقة الاسرة وقال له يا سيد قومه يا ايه يا سيد قومه جابها منين دي سبحان الله! اول حاجة ان النبي صلى الله عليه وسلم
بيقول لنا انزلوا الناس منازلهم - [00:15:41](#)

يعنى مش معنى ان انت خلاص بقى تحف الشهادات. يعني هو عند دكتور راجل دكتور رئيس قسم وانت بتتكلّم معه تقول له انت يا
حبيبي يا كابتني لو سمحت وانت ليه بتقول وانت وانت - [00:16:02](#)

ده انت ايه ديت يعني راجل كبير واسناف من والدك وراجل كبيرة في المنطقة عمدة مش عارف ايه الى هرقل عزيم الروم فالكلام
ده ايه المشكلة فيه انك تقوله؟ يعني بعض الناس - [00:16:12](#)

بيتفن في اهانة من امامه. او بسبب الجفاء اللغز عنده لا يتتبه لهذا الامر لكن مصعب لانه تربية محمد صلى الله عليه وسلم والتنقظ
من اخيه اسعد فعرف يتكلّم ازاي فيبيقول له ايه يا سيد قومه يا سيد قوم ده ممكن تعمل ايه في الانسان؟ وهو بيtalk معه كده
- [00:16:27](#)

يا سيد قومه على طول تفتح القلب صرح في خدشة لقى تهديه يا سيد قومه والقلب اذا فتح لان العقل ده قاعدة القلب لو افتح
العقل يلين ولذلك مهم جداً انك تشتل وجدانياً عالي مع اللي قدامك - [00:16:50](#)

لان في ناس استيقنتها انفسهم هو عنده يقين لكن ده حدها. لكن ليه؟ لان القلب متعرّك القلب فيه فسق القلب فيه بعد القلب لسة ما

فتحش يا سيد قومه هل لك في خير من ذلك - 00:17:15

طبعا احنا قلنا الرجال ده ارجحهم عقل عقلا فطبعا حاجة اعلى من كده اه طبعا ما فيش مشكلة. بيقول له ايه؟ بقول لك ايه؟ ما نتكلم
كلام اقول لك على حاجة احلى من كده - 00:17:38

هل لك في خير من ذلك؟ ما بلاش لغة الرماح ديت وبتاع وتغرس الرمح ونتكلم ما نفتح لغة حوار قال وما هو هو فيه احسن من اللي
انا بقوله انا طول عمري بقول احلى حاجة انت مش واحد بالك ان انا السيد ولا ايه؟ والسيد بتاع القوم هو بيقول اي حاجة -
00:17:49

اكيد كل حاجة موزونة فقال تجلس اليها وتسمع منا فان رضيت ما قلنا قبلته وان لم ترض تحولنا عنك ولم نعد اليك قل له يا سيدى
الامر بسيط جدا انت حضرتك يعني انت سمعت انا قلت ايه - 00:18:09

عشان حضرتك تتضايق وبتاع انت حضرتك انا بعرف انا بقول ايه. يمكن انا قاعد امال اقول ايه؟ اسيد اسيد اسيد وكلامهم يقولوا ابن
حضرير ابن حضير. يمكن بنطلب وبنغبني لك. انت سمعت احنا قلنا ايه - 00:18:29

اصلا يمكن احنا قاعدين نقول وسيد الرجال محترم وسيد ده المفترض اللي يمسك البلد وسيد ده حاجة زي العسل وسيد يمكن مش
جينا سيرتك وبنتكلم في حاجة تانية خالص يمكن بنتكلم في جمال الاشجار وجري الانهار - 00:18:39

والكلام ده انت ايه اللي بتخليك متضايق كده فقال يا هو ما هو قال تجلس اليها وتسمع منا تسمع منا. تسمع منا دي مهمة جدا جدا
اسمعوا منا لا تسمعوا علينا - 00:18:54

برضو هتلaci من المشاكل الكثيرة جدا في في البيوت والحوارات بل في طوائف وقعت وكبار اه يعني اساعوا زنهم في غيرهم بسبب
ايه؟ البطانة اللي حوالיהם. يقولوا وعلى فكرة كنا قاعدين امبارح وقال فلان قال على حضرتك كزا - 00:19:12

وده قال كزا وده قال كزا. اول حاجة ربما انت يعني الكبير دايما يفهم صح في سياقات ممكن تتفهم لكن سبحان الله تيجي تقدر في
القعدة كده يقول لك وانت قلتم وانتم تقصدوا وانتم مش عارف ايه وبلغنا انكم قد قلتم كزا فتروح ساكت خالص تقول له ايه؟
ايه يا اخي الكريم - 00:19:34

انت سمعت مني هذا الكلام ام نقل عنني فيقول له نقل عنك قال لو سمعت مني ما اتينا الى هذا الایه؟ التوتر. يعني انت لو بتسمع مني
كان الموضوع انتهى - 00:19:53

احنا النهاردة بنسمع كلام كتير وانت قلت وما مامتك ولما قلت حصلت وانت كنت تقصد وحالتك لما قالت وعمتك لما راحت وانت مش
عارف ايه انت كنت تقصد ماما وانت كنت تقصد - 00:20:08

يا عم انت القصد ده جبته منين؟ ما هي اختك قالت انك قلت انت سمعت مني يا بنت الحال. يمكن هي اختي فهمت غلط وليه
داخلين في كلمة القصد القصد القصد القصد - 00:20:21

هو انت يعني بتكتشف عما في قلبي نسأل الله السلامة. ربنا يعافينا. فقال له تسمع منا عشان كده مهم جدا ان احنا نستعمل الوسائل
على قد ما نقدر ليسمع الناس عنا - 00:20:33

صح؟ لا ليسمع الناس منك هم بيقولوا دلوقتني ان الملتحين بياكلوا الاولاد الصغارين. خاصة قبل صلاة
المغرب بياخدوه و ويأكلوهم وعندها وما بيضحكوش. لأن ربنا ايه خلقهم ما عندهمش اسنان او هم عندهم قناعة ان زهور الاسنان
عوره - 00:20:50

عشان كده ما بيحبوش يوضحوا او الاخوات دول شكلهم قبيح جدا جدا وعندهم تحت الملحفة ديت حزام ناسف. واول ما
بيعدوا انك خلي بالك بقى في ناس بيقولوا ده تصوره - 00:21:13

ولذلك واحد موقف شديد جدا جدا ويا سلام بقى اتنين ثلاثة بقى من اهل الاستقامة اصلا يعني اكدوا الموضوع ده ببعض
السلوكيات فخلاص الناس رشتقت في الحنة دي. عافانا الله واياكم - 00:21:29

لكن اما يجي في الآخر خالص يسمع منك ايه ده يعني انا فاكر في يوم من الايام لما كان في احد الشباب آآ كان بيهرز مع آآ طفل كده

كان تقربيا في المطار يعني جت والدته جري وراحت خداه كده من من ايده وشتدته من بتاع وبعدين بدأت تكلمه كده يعني انجليزي ان يعني بتقول له يعني انك خلي بالك دول كزا وده كزا وده ممك يأزيك وده مش عارف ايه والكلام ده - 00:21:56

فاللهم الولد قعد بعيد وبعدين قعد يصارق الابتسamas لبردو نفس الاخ لاب معه كده وهزر معه شوية. والولد برضه مصمم يروح يلعب معه يشاور له وبيهزر وبتاع والكلام ده. هو مش مصدق كلام والدته. يا ستي انت بتتكلمي - 00:22:13

سبحان الله! فهي الفطرة لما بتلاقي حاجة مختلفة الدنيا ايه خلاص هم هيخلزوا دماغك هيغسلوا دماغك. وعلى فكرة الكلام ده صحيح من وجهه. انهم بيغسلوا الدماغ اه بيغسلوها. بيغسلوها من ايه؟ من كل الاترية وال حاجات - 00:22:29

السيئة جدا اللي فيها هم بيغسلوها من الحاجات الوحشة وان كان في طبعا ايه بعض الناس عندها بعد يعني وفهم خطأ لكن هنتكلم في الفكرة تجلس اليها وتسمع منها فان رضيت ما قناته قبلته - 00:22:43

وان لم ترضي طب نعمل ايه بقى تحولنا عنكم ولم نعد اليكم. شف الجمال! وشف الرقة والضبط هو بيقول له ايه؟ بيقول له احنا هنتكلم مع بعض. والله انا هقول لها كلام. عجبك؟ عجبك - 00:22:58

ما عجبكش يا سيدني خلص احنا نمشي. ما قالوش لو ما عجبكش خلاص مش عينا هنقوله الكلام ده عالي جدا. واحد يقول وبص بقى انا مسجل لك مش انت قلتة. لو مش عجبنا مش انت هنتكلموا تاني في الكلام ده. لا هيقول له ما قلتتش كده. انا قلت ان انا هاسيب لك مكانك - 00:23:12

لكن انا هدمني ساظل اتكلم وابلغ دين الله سبحانه وتعالى وابلغ سنة النبي صلى الله عليه وسلم. وان منعت من هذا المكان من حديقةبني عبدالاشهل اروح حديقة تانية فاحنا اتفقنا على المكان ده مكانا في الجلوسة دي - 00:23:29

انا بس كل الموضوع اللي انا هغير ولذلك مهم جدا تغيير الوسائل لا تغيير المضامين. فهو دلوقتي بيقول له ايه احنا هنغير في الوسيلة. والله مش عجبك خلاص نسيب المكان - 00:23:45

بس انا المحتوى اصل بعض الناس يقولوا والله بص يا عم انا هقول لك حديث عجبك خده ما عجبكش خلاص يا سيدني الحديث ده ببقى ضعيف. هو خلى معيار الایه - 00:23:55

المدعوه هو اللي يحكم على كلام النبي صلى الله عليه وسلم وده الشخصية القرآنية يا جماعة. الشخصية القرآنية دائمًا تجده موفق بتوفيق الله في انتقاء الالفاظ. في الحوار في كل شيء تلاقيه موفق - 00:24:05

قال تجلس اليها فقال اسيد لقد انصفت سبحانه الله! بارك الله في اسعد بن زراره. ادى له المفتاح قال له ده دماغ وراجل عاقل ومنصف وسيد قومه اشتغل عليه فقال له لقد انصفت - 00:24:20

وركز رمحه في الأرض. فاكرين ركزة الرمح اللي فاتت؟ عن ما اخذ سيد حرنته هنا ركز الرمح. الركزة دي غير الركزة دي بقى بهدوء كده بنحط ده كده على جنب. وجلس - 00:24:41

سبحان الله فاقبل عليه مصعب يذكر له حقيقة الاسلام وبدأ بتكلم معه حقيقة الاسلام ويقرأ له شيء من الآيات القرآن فانبسطت اساريره واسرق وجهه. الله اكبر والمتابعة وهو بيtalk متابع على عينه ببص بي Shawf التأثير بتاعه يعني احيانا وانت بتتكلّم في موعزة كده فتلاقي اللي قدامك بدأ يتأنسر. دوس بقى دوس - 00:24:55

لقيته بدأ يبكي بدأ فيه الدموع بدأ مش عارف ايه دوس كمل كمل لو انت مركز معه ادي الجرعة زود الجرعة لقيته يعني مدايق جدا وبتاع حاول تخفف فالمتابعة حتى في الكلام - 00:25:20

فبدأ ايه؟ وشه يتغير كده وسبحان الله! كان مصعب معه قد ايه؟ كم كلمة قالها له مصعب كان معه كم درس دعوي سمعه لفلان؟ وكم وكم وكم وكم؟ كان معه القرآن - 00:25:33

كان معه القرآن وعايش بايات القرآن. كنت اتكلّم مع واحد كده في في زنب مشهور فبقول له عايزين نعالج. قال لي سهل جدا تعال نتكلّم في ايات كزا ومن خلالها هي لوحدها تايده؟ الزنب ده يتشارل - 00:25:44

محتجين ان احنا نتكلم كده مع الناس مش لازم يعني مش لازم عشان نتكلم في التربية لازم نلف وندور ونبعد. لا عادي جدا. الوحي خير مربى. تعالوا ننطلق من لقمان - 00:26:00

نشوف لقمان ربى ازاي؟ تعالوا نشوف يعقوبة تربية للعقوبة. كيف ربى؟ فيه بيئه فيها توتر وفيها اخوه مش منسجمين. بعضهم فيه حزبين آآ يوسف و أخيه والحداشر التانيين. وفي توتر في ازاي الدنيا تربى وازاي الاب يحافظ على اتزان النفسي؟ حتى لو غابت الام كما كانت - 00:26:13

بعدنا في قصة يوسف حتى ولو غاب الاب زي ما كان غايب في قصة موسى في القصص. نبدأ نهتدي بهدي الله سبحانه وتعالى ونبداً نستبط ونخرج ونستفيد عادي جداً من العلوم الأخرى بس لازم يكون - 00:26:33

ان الوحي هو المتن والهامش هو الآخر. مش العكس فاوسيد على طول قال له ما احسن هذا الذي تقول؟ وما اجل ذلك الذي تتلوه؟
ايه الجمال اللي انت بتعمله ده - 00:26:47

صعب بقى يا جماعة. شوفوا بالقرآن اهتديت وشوفوا قد ايه ان الغرب بيهدى. بعض الناس يقول لك لا اصل القرآن هو مش هو
كافر به ازاي يؤمن به طب وهو ابو جهل يعني ما كانش كان مؤمن بالقرآن؟ والكفار مكة كلهم كانوا مؤمنين كيف خطابهم النبي
بالقرآن وهم كفار اصلاً به - 00:27:02

يا جماعة احنا مش هنألف طرق دعوية. الرب جل وعلا قال لنا انما انذركم بالوحي. انا جاي ادعوك بالوحي فانا افهم الوحي
عشان انا ادعوك بالمفاهيم اللي انا فهمتها ديت - 00:27:21

فالداعي يا جماعة مش بمجرد آآ لأن فيه معاني متصلة جداً عايشها ما احسن هذا الذي تقول وما اجل ذلك الذي تتلو بس صعب
عمل لنا حاجة جميلة جداً. صعب عمل ايه؟ صعب - 00:27:35

آآ قرأ عليه القرآن صح كان معاه ورقة وكاتب فيها ولا كان في صدره كان القرآن في صدره الداعي مش راضيه مشيت كاسيت لا يا
جماعة انت لازم دايما تكون محضر - 00:27:51

لو انت ماشي في الشارع وانت بتملئ البنزين في العربية وانت ماشي بتاعته قدام بتاعة الخضار لقيت بنتهها كبيرة ومش محجبة
دايما تكون محضر جاهز بس ما حدش هيحضر الا الجاهز المهموم - 00:28:06

المهموم المهموم هو اللي بيجهز اما اللي مش مهموم ومش فارق معه الدين خلاص هو انا رايح اجيب خضار تقول لي ركز في الدعوة
بيقول لك رايح اجيب خضار. ايوه رايحة تجيبي غذاء البدن. اين غذاء الروح - 00:28:19

زي ما رايح تستري غذاء بدل ما تجيبي غذاء روح وانت جاي. ايه غذاء الروح دي! يا عم هات لك حسنتين. لقيت حسنة على الارض!
انزل هاتها ما تسيبهاش اهو انت لو لقيت الف جنيه مرمي على الارض وحال انك تاخذ اللقطة مسلا هتسبيها - 00:28:33

ما تنزل زي ما التقطرت الخير التقطر الایه؟ الغذاء الروحي فلا تكسل عن حسنة تراها في الطريق شفت ولد كده واقف
مع بنته وبتاع والكلام ده كله ما تجيبي الحسنة ديت - 00:28:46

هات الولد ده تعال سلام عليكم ممكن بعد ازنك كلمة انت اسمك ايه ومش عارف ايه انا اخوك فلان ساكن انا هنا وبتاع انت ما شاء الله
ساكن عندنا هنا في المنطقة اول مرة اشوفك لا والله ده انا مش عارف من مكان تاني مش عارف ايه الكلام ده كله. انت في سنة كم؟
انا في تالتة سانوي - 00:28:59

ما شاء الله لا قوة الا بالله انت حاسس ان انت يعني ده عادي اللي انت بتعمله ده انت تحب ان اختك تكون واقفة دلوقي مع حد تاني
ومش عارف ايه والكلام ده. اه ده احنا مش بنعمل حاجة غلط ما انا عارف ان اختك مش هتعمل برضه نفس الحاجة الغلط ديت. انت
- 00:29:12

تحب كده؟ انت تحب ترتبط بواحدة في يوم من الايام تقول لك انا كنت بمشي مع الاولاد وكانت بقعد معهم وبعد الدروس وبقف معهم
استخي واعمل كذا وكذا تحب جداً يروح ساكت كده في الارض - 00:29:24

وباصص ومش عارف ايه. انا على فكرة انا مستبشر جداً بمية خير. وعاجبني جداً انك بتسمعني. وده دليل انك فعلًا بتحب الخير

وبتحب ربنا فحاول بقدر الامكان انك ربنا سبحانه وتعالى يحبك وانك آآ تحافظ على ده. انت دلوقتي البنت اللي بتخون مامتها
وبتخون ربها وبتخون كذا مش هتخونك - [00:29:34](#)

اتجوز اكيد هتخونك. فحاول يا ابن الحال تأمين مستقبلك بالعمل الصالح. فالآن اللي هي عمل صالح لنفسه هي مهد. فانت الجزاء من جنس العمل ففي الغالب لو دقتك ماشي في الطريق ده هتلاقي ناس هتقابلك وهتبقى ام ولادك كده. فالولد اصلاً مجرد الكلمتين اللي يسمعهم دول حد بصوا انا تجربتي تجربتي الشخصية - [00:29:54](#)

لو عملت في السنة كده مع تلاتين واحد تلاتين واحد تلاتين واحد ما رأيت احد صدني في الكلام او مش عشان انا بارع ولا حاجة لا لا لا الموضوع ده يعني اللي اشتغل الموضوع ده عارف كوييس جداً ان انا كلامي ده ايه. اكتر من خمسة وتسعين في المية من الشباب لو اتكلمت - [00:30:13](#)

انت معه بهدوء بيجي على جنب يقول لك جزاهم الله طب ماشي يا عم الشيخ ماشي ماشي اقصى واحد يقول حاضر حاضر يا عم الشيخ خلاص بقى يا عم الشيخ حاضر. لكن فيه واحد يقل ادبه ولا واحد يغلط ولا واحد كذا - [00:30:35](#)

نادر ولو حاجة حصل كده ما قعد يتقال للنبي ساحر واتقال للنبي اساطير الاولين واتقال للنبي كزاب واتقال للنبي كذا يعني استشعر انت داخل الجامعة فاول ما دخلت على البوابة قالوا الساحر جه - [00:30:45](#)

فاول ما دخلت السكنشن المعبد بيقول لك ايه ولا يا اهبل انت ارجع ورا والولاد والبنات داخلين حاسب حاسب الانسان المجنون ده. ما بنحبش نقدر جنب المجانين. انت هتعرف تعيش؟ طب محمد صلى الله عليه وسلم كان ليلى نهار بيتأكل له كده - [00:30:59](#)
هو والصحابة واستحملوا عشانك عشان انت تيجي مسلم وانا اجي مسلمة وانت تيجي تبقى اسمك كذا وانا اجي اسمي كذا وكلنا مسلمين وبنقول لا الله الا الله محمد رسول الله - [00:31:14](#)

فاحنا مش هنخش الدين يا جماعة مش هنخش الجنة كده بدون ما ندفع اي حاجة حفت الجنة بالمكاره رغم ان كمان الباب ده ما فيهوش اي مشكلة فمصعب ابن عمير كان جاهز - [00:31:23](#)

ما احسن هذا الذي تقول وما اجل ذلك الذي تتلوه كيف تصنعون اذا اردتم الدخول في الاسلام بيقول له انا لو عاوز ادخل في الاسلام نعمل ايه؟ قال له ام مصعب سهلة. تغتسل وتتطهر ثيابك. وتشهد ان لا الله الا الله - [00:31:34](#)

وان محمداً رسول الله وتصلي ركتتين. وقام الى البئر. وقاعددين جنب البئر. اه مش هنتعب. انت خلص خش. سبحان الله! كانه عنده يقين ان هيقدر هيبيجي فمجهز له قعدة. فاقام الى البئر فتطهر بميائتها - [00:31:53](#)

كم خد الحوار ده بقى وشهد ان لا الله الا الله وان محمد رسول الله. فانضم في ذلك اليوم الى كتائب الفرسان كتائب الاسلام سبحان الله بلغوا عندي دلائل وكان اسید ابن حضير احد احد - [00:32:10](#)

الحاجة اللي ه تكون مكتوبة في صحيفة مين في صحيفة مصعب بن عمير. عارفين الوسيد ده هيقول له ايه يقول له بص انا في واحد هروح اجييه لك ده بقى برس البرانيس. ده لو جه المدينة جت - [00:32:26](#)

هروح اجي لك واحد ياه يا اسید انت على طول حب الدعوة وعلى طول فهمت الدين؟ اه ليه يا جماعة؟ لأن اللي بيدو حاجة كبيرة يعني انا هقول لك على حاجة - [00:32:41](#)

انت بتحب محمد صلاح؟ طيب دخلت الهايبر لقيت محمد صلاح بتتصل بزماليك الحق الحق محمد صلاح تحت يلا بتابع واجري وبتاع والكلام ده انك بتقول لهم كده اه ليه؟ لأنك بتتحب لهم الحاجة الحلوة اللي انت حبيتها صح؟ انت لو صادق وحساس بالنور اللي دخل قلبك لن ترضي الا ان النور ده يدخل في كل قلوب من تحب - [00:32:52](#)

لو انت فعلًا حساس بالنور وفعلاً بتتحب الناس دي بصح وبصدق ه تكون حريص جداً انه يدخل النور في في قلوب هؤلاء. ويجي واحد يقول لي ازاي والوسيلة وبتاع؟ بص اللي عزت اللي حبت تجيب موبايل ايفون من والدها ان والدها يشتري لها موبايل او يشتري لها - [00:33:13](#)

تيشيرت معين او لبس معين عملت ايه؟ تفنت واتشقلبت ومشيت على الحيطان وعملت له اراجوز ومرة تعيط ومرة خاله يدخل

واسطة ومرة مين بيحب بابا ومرة نعمل له مساج ومرة مش عارف نفطره ومرة نعمل له الحاجة اللي بيحبها - [00:33:31](#)
تفنا عشان اخد حاجتي. تفني حتى تقذفي النور فيه في قلبه وتكوني سبب في قذف النور في قلبه. تفنن خلي عندك تركيز مشروع
انا هخترق قلوب من حولي. ربنا يستعملني هكذا - [00:33:48](#)

اسيد ابن حضير اسلم في خلال دقائق مع مصعب ابن عمير. اسيد لسه قصته كمل معنا في موقف كده كمان آآ ونحكي نحكي ان شاء
الله المرة القادمة. فاسأل الله سبحانه وتعالى ان ينفعنا واياكم. ويحرسنا مع هؤلاء ويرزقهم - [00:34:04](#)
صحبة النبي صلى الله عليه وسلم في الجنان. اقول قولي هذا واستغفر الله لي - [00:34:20](#)